



# **Annales Episcoporum Slesvicensium**

**Cypraeus, Johann Adolph**

**Coloniæ Agrippinæ, 1634**

Capvt IV. Eggerdo

---

[urn:nbn:de:hbz:466:1-64615](https://nbn-resolving.org/urn:nbn:de:hbz:466:1-64615)

## CAPVT IV.

**E**GERDO Episcopo mortuo, Alexander Pontifex Episcopatum Slesuicensem confert Iohanni de Castro, Episcopo Agrigentino Titulo Sanctæ Priscæ, Presbytero, Cardinali, consentientibus fratribus eius. De Electione facta Cardinales Canonicos Slesuicenses, per literas certiores fecerunt, quarum exemplum hic sequitur.

Miseratione diuina, Episcopi, Presbyteri, Diaconi sacrosanctæ Romanæ Ecclesiæ Cardinales, Venerabilibus Viris, Capitulo Ecclesiæ Slesuicensis, sinceram in Christo charitatem. Nuper Ecclesiæ Slesuicensi prædictæ, & certis alijs beneficijs per obitum bonæ memoriæ Egardi Episcopi apud sedem Apostolicam S. N. de optime meritâ persona Reuerendissimi in Christo Patris Domini Iohannis Titulo Sanctæ Priscæ, Presbyteri Cardinalis Agrigentini confratris nostri prouidit. Qui ob summam eius virtutem & singularem bonitatem euectus ad dignitatem Cardinalatus in hac curia, & gratia & auctoritate apud omnes plurimum valet. Propterea vos latari magnopere debetis, quod pietas Apostolica talem vobis Pastorem deputauerit, vt conseruationi Ecclesiæ & commoditatibus vestris benè consultum esse videatur: Itaque hortamur vos atque etiam rogamus, vt pro communi vtilitate & honore vestro curam adhibeatis, ne fructus, redditus, proventus & bona Ecclesiæ prædictæ distrabantur, sed ea omnia vestra fide & diligentia, cum possessione ipsius Ecclesiæ procuratori Reuerendissimi Domini Cardinalis confratris nostri, cum isthuc venerit, liberè assignetis. In quo & obedientiam Sanctæ Sedis Apostolicæ & Romano etiam Episcopo vestro (sicut decet) cum laude vestra præstabitis. Collegio autem nostro rem admodum gratam efficietis, Datum Romæ die 8. Nouemb. M. CCCC. LXXXVIII. Sub signetis nostrorum trium in ordine piorum.

Pene-

Venerabilibus Viris Canonicis ac Capitulo Ecclesie  
Slesuicensis, amicis nostris cha-  
rissimis.

Episcopi }  
Presbyteri } Sanctæ Romanæ Ecclesiæ Cardinales.  
Diaconi }

Huic à sancta sede Apostolica electo & constitu-  
to Ecclesiæ Slesuicensis Episcopo, Cardinali, postea  
per liberam resignationem, & Episcopatus cessionem  
ac transactionem, accedente Summi Pontificis Con-  
sensu ac Authoritate, successit Detleuus Pogvvisch,  
hac tamen conditione ac pacto, vt Detleuus præde-  
cessori suo 300. Ducatos quotannis solueret ac pen-  
deret. Quam pecuniæ summā etiam Episcopus Det-  
leuus prædicto Cardinali, quoad in viuis fuit, persol-  
uit ac dependit: vt ex literis Leandri de Perusia de hoc  
negocio 30. Augusti Anno 1502. ad Episcopum Ro-  
ma datis, perspicuè apparet; idque etiam inde colligi-  
tur, quod eodem, quo Detleuus è vita excessit, nimi-  
rum anno 1507. die 15. Ianuarij, Episcopus Gotscal-  
cus Detleui successor, pecuniæ summam aliquam,  
quam adhuc Detleuus eo nomine Romę debebat, ex-  
soluit: vt ex apocha, quam subiicimus, liquet. *Vniuersis  
& singulis presentes literas inspecturis salutem in Domino.  
Vniuersitati vestræ notum facimus per presentes, quod Re-  
uerendus Pater Dominus Gotscalcus Electus Ecclesiæ Slesui-  
censis, pro totali & integra solutione aris, & trium seruitio-  
rum in quibusdam certis sententijs & poenis, ratione cessa-  
tionis, pensionis trecentorum Ducatorum auri de Camera,  
quam olim Reuerendus Pater Dominus Detleuus ipsius Eccle-  
siæ Slesuicensis Episcopus, eius prædecessori bonæ memoriæ Re-  
uerendissimo in Christo Patri ac Domino Iohanni Titulo  
Sanctæ Priscæ, presbytero Cardinali Agrigentino, super fru-  
ctibus*

atibus dictæ Ecclesiæ soluere tenebatur, & extiterat efficaciter obligatus, Camera dicti Collegij, nec non familiaribus & Officialibus dictorum Reuerendissimorum Dominorum Cardinalium florenos auri de camera 50. nobis pro ipsis collegio & familiaribus & officialibus recipientibus, per manus Venerabilis viri Domini Michaelis, Petri die datum, præsentium solui fecerit realiter & cum effectu. De quibus florenis, ita sicut præmittitur, solutis, præfatum Dominum Gotscalcum electum, successores suos, & eorum bona quæcunque, præfati collegij nomine absoluiimus, quietamus & liberamus per præsentem in quorum fidem & testimoniū præsentem fieri, & sigilli nostri Camerariatus officij fecimus appensione muniri. Datum Romæ die vltima Iulij Anno à natiuitate Domini M. D. VII. Pontificatus sanctissimi in Christo Patris ac Domini nostri Iulij. Diuina prouidentia Papæ 2. An. quarto.

Sed vt ad Dethleuum reuertamur. Fuit autem ipse Detleuus electus Anno 1499. die 20. Decemb: Hic ad æs alienum, quod Helricus (nam ante id tempus Episcopatus nullo ære alieno oneratus fuit) contraxerat & fœnori acceperat, accessionem fecit. Nam ad emendum pallium, quod pro more & consuetudine antiqua in Ecclesia recepta, à summo Pontifice redimendum ac comparandum erat, 3000 aureos Rhenenses fœnori accepit. Quemadmodum id testantur literæ in Capitulo Slesuicensi. Huic autem Episcopo Dethleuo Iulius Papa Secundus indulget, vt dimidium vnus anni reddituum, fructuum, & prouentuum darent sacerdotes omnes, pro sua quisque conditione ac facultatibus, quibus æs alienum, quo Episcopus obæratum esset, persolueretur & creditoribus satisfieret.

Hac ætate Anno 1501. Alexander Sextus misit Raimundum Cardinalem, qui omnes oras Aquilonares obiuit, & vltra Iubileum, indulgentias, gratias ac facul-

tates concessit. Idem Raimundus ex mandato Pontificis, super matrimonijs dispensauit, tertio & quarto gradu consanguinitatis & affinitatis contractis, quæ admodum ostendit exemplar eius dispensationis, quod sequitur. Raimundus miseratione Diuina Sacrosancta Romana Ecclesia, & sancta Mariae nouæ Presbyter, Cardinalis Guicensis, ad Vniuersam Germaniam, Daniam, Suetiā, Noruegiā, Frisiā, Prusiā, omnesq; & singulas illarum prouincias, ciuitates, terras, & loca, etiam sacro Romano imperio in ipsa Germania subiecta ac eis adiacentia, Apostolica sedis de latere Legatus Reuerendo in Christo Patri Episcopo Slesuicensi salutem in Domino. Exhibita nobis nuper pro parte petitio continebat, quod nonnulla pauperes persone in Diocesi vestra consistentes, aliqua scientes, aliqua verò ignorantes, aliquod impedimentum inter eos existere, quo minus possent inuicem matrimonialiter copulari, matrimonium per verba de presenti contraxerunt, inter nonnullos carnali copula & prole, quoad alios autem his minimè subsecutis. Cum vero nunc ad ipsorum dimanauerit notitiam, quod tertio & quarto consanguinitatis & affinitatis gradibus disunctiue aut copulatiue respectiue se attineant, quodq; inter eos diuortium perpetuum sine grauibus scandalis fieri non possit, dispensatione Apostolica desuper non obtenta. Quare humiliter nobis supplicari fecistis, quatenus eisdem pauperibus super præmissis de opportuna dispensationis gratia nunc prouidere dignaremur. Nos igitur, qui inter cunctos Christi fideles pacem querimus, & scandalis huiusmodi, quantum cum Deo possumus, obuiamus, huiusmodi supplicationi inclinati, circumspeditioni vestre, autoritate legationis nostre & Apostolica, qua per literas specialis facultatis Sanctissimi in Christo Patris & Domini nostri, Domini Alexandri diuina prouidentia Sexti fungimur, hac in parte committimus & mandamus, quatenus quinquaginta personis, quæ vt perferatur, in tertio & quarto consanguinitatis & affinitatis gradibus

dibus coniunctiue vel disiunctiue contraxerunt, qui pauperes sint, nec ad Romanam curiam vel nos pro dispensatione nuncios mittere possunt: quod impedimentis illis non obstantibus, in contractis matrimonijs remanere, liberè & licitè possint & valeant, eadem Apostolica auctoritate dispensans absolutio- nem his, qui similiter contraxerunt, præuia aliqua separa- tione cum iuramento solito impenso: dummodo prædictæ mu- lieres propter hoc ab aliquo non fuerint raptæ, prolem susce- ptam vel suscipiendam legitimam decernentes. In quarum fidem præsentis literas fieri, sigilliq; nostri iussimus appensione communiri. Datum Lubeck. Anno incarnationis Dominicæ millesimo quingentesimo, Tertio Kalend. Maij. Pontificatus Sanctissimi in Christo Patris & Domini nostri Domini Ale- xandri diuina prouidentia Papæ anno vndecimo.

Anno 1500. Bellum & Prælium Dithmarsicum vltimo die Mercurij ante Valentini festum commissum est. Eodem an. diebus 14. post Pasche festum demoliti sunt Dithmarsi & solo æquarunt arcem Tylen, pagūq; igne cremarunt. An. 1501 Latus templi Slesuicensis, quod Aquilonem spectat, absolutū & completum fuit. Fenestra eius lateris facta & affixæ fue- runt Anno 1503 vt inscriptio testatur. Anno 1502 Domini- ca, quam Misericordias Domini vulgò nominant, nuptiæ Du- cis Friderici, qui postea Christierno pulso, Rex Danicæ exortus est, in ciuitate Stendelen celebratæ sunt. Episcopus Detleuus Ducem comitatus, ad nuptias profectus est viginti quatuor e- quis & equitibus. Ministros & pueros amanuenses Damasce- nis vestibus exornarat & vestierat. Ex eorum numero nobi- les octo insignia vel signa gestabant in manicis, Lubecæ confe- cta, quorum vnumquodq; 50. marcis Lubecensibus constabat. Nam ex auro & gemmis conflata & compacta erant insignia. Sed & Nobiles omnes Vittam auream gestabant, prout moris erat. Omnes autem ministri duplicatis pallijs amicti erant. Tandē Episcopus Detleuus Flēsburgi mortuus est An. 1507 die Veneris, qui fuit decimus quintus Iunij, & Slesuici sepultus.